

BEDRI MYFTARI KRONIKAT E VDEKJES

BIBLIOTEKA

834-31
1999



ROMAN

8544-31
11738


BEDRI MYFTARI

KRONIKAT

E

VDEKJES

Roman



Shtëpia Botuese "DARDANIA"
Tiranë, më 1994

Atëhere isha njek në spitalin psikiatrik të Tiranës. Ishin vjeshtëra e fyrnin erërat e jugës, fyrnin erëra e rrëzonin gjethet e verdha të pemëve. Gjethet binin si shpresat tonë të humbura. Pikëllimi varej mbi qytet e qiejt lotonin. Retë e zeza bridhnin qiejve pa drejtë ashtu si pacientet në oborrin e çmendinës. Në dhomën numër katër ishin dy të sëmurë; një ish oficer i sigurimit të shtetit dhe tjetri prift katolik. Oficeri ishte trupmadh e me një kokë të madhe asimetrike - me kafkë të deformuar nga krimet- siç thoshte një kolegu jonë. Prifti katolik ishte i shkurtër, i imët e dyllë i verdhë si një ikon i gdhendur në muret e manastirit të Ardenicës. Kur fyrnin erërat oficeri i sigurimit shqetësohej, çohej vinte vërdallë nëpër dhomë dhe i thoshte priftit; - Shet, sheet, dëgjo, dëgjo, a dëgjon gjë! Pastaj shkonte e hapte xhamin e dritäres, erërat futeshin në dhomë duke fërshëllyer. Oficerit të sigurimit i bëhej se erërat nga thellësitë e errësirës i sillnin një zë fëmije.

- Babi! Ku është baby im?! Dua babyin.....!

Oficerit i ngriheshin flokët e kokës përpjetë dhe bërtiste me sa zë që kishte: - Jo, nuk e vrava unë! Jo, nuk e kam vrarë unë. - Kjo ishte një britmë e lehmeritëshme në ato netë ankthi. Erërat e merrnin me vete dhe kjo britje dëgjohej në të gjitha kate e spitalit. Të sëmurët shqetësoheshin, bile edhe ne të personelit na pushtonte një ndjenjë ankthi dhe trishtimi. Prifti katolik puqte dy pëllëmbët e duarve dhe me kokën të ngritur lart lutej: - Mëshirona o Zot, ne mëkatarëve! Mëshirona o Zot ne mëkatarëve! Pastaj, në dhomë shkonë mjeku i rojes me inferniueren, e mbyllnin dritaren dhc e vinin në krevat ish oficerin e sigurimit.

Ai u lutej, u puthte duart: - Amani, më besoni, unë e vrava me urdhër të ministrit. Ai më urdhëroi - Merre dhe zhduke andej nga pyjet e Divjakës, - më tha. Kur u nisëm na pa djali i tij i vogël. Babi, ktheu shpejt - i tha ai. Por, babi i tij nuk u kthyte më. Atë e vrva unë. E vrava unë me revole pas kokës. Ju betohem që me urdhër të ministrit tonë e bëra. Tani fëmija i tij ma kërkon mua, ku është babai im?! - më thotë. Ju betohem që me urdhër e kam bërë. Thoni, ju luem, i thoni! Dhe pastaj shkrehej në vaj derisa e kapëllonte gjumi. Prifti katolik puqte dy pëllëmbët e duarve, ngrinte kokën lart dhe murmuriste me vete:

- Mëshirona o Zot ne mëkatarëve!! Mëshirona o Zot ne mëkatarëve!

Priftin katolik e kishin mbyllur në çmendenë atëhere kur gardianët e kuq i prishën kishën, ku ai një jetë të tërë kishte pagëzuar katolikët e qytetit të tij. Ai ishte njeri i Zotit dhe nuk i kishte bërë keq kujt. Ai u ishte ndodhur bashkëqytetarëve të tij në të mira e në të këqija, në gjëzime dhe në hidhërimë. Edhe kisha që e prishën, ishte tempulli i Zotit, ku njerëzit vinin e i luteshin Zotit

për t'jua falur mëkatet. Ai nuk kundërshtoi kur e nxorrën me dhunë nga vendi i shenjtë, vetëm ju drejtua Zotit.

- Mëshiroi o i plotfuqishëm se janë të paditur e nuk dijnë se ç'bëjnë. Edhe kur i vunë kazmën, mureve të kishës ai vëtëm ju lut Zotit që t'i falte mëkatarët se nuk dinin ç'bënин.

Vetëm kur filluan t'i thyenin ikonat dhe të prishnin gravunat, ai u tha:

- Mosni bijtë e mi, se ato nuk i përkasin vetëm kishës, por janë thesare të kombit.

Por, gardianët e kuq nuk i përfillnin fjalët e pristit, merrnin ikonat e i përplasnin në tokë duke brohoritur:

- «Parti, nëna jonë! Fjala jote, vepra jonë!».

Pristi shkonte çdo ditë tek muret e ish Kishës dhe i lutej Zotit. Besimtarët i mbijdheshin për rrëth dhe qanin. Pristi puqte dy pëllëmbët e duarve, ngrinte kokën lart dhe i lutej Zotit: - Bekoi o Zot, besimtarët e tu. Falua dhe bekoi edhe mëkatarët se janë të paditur dhe nuk dijnë se ç'bëjnë. Satanaja u ka prishur menjjet, zemrat, u ka rrëmbyer shpirtërat, çlroi o Zot robt e tu nga kjo e keqe! Amen!

Kur e panë ata të partisë se çdo ditë rrëth pristit shtoheshin turmat e morën dhe e futën në çmendinë. Ai ju tha në fillim:

- Biftë e mij, unë nuk jam i sëmurë, pse më myllni këtu?! Por, ata nuk ja vunë veshin dhe pristi ju nënshtrua satit duke ju lutur. Zotit ditë e natë, me lutjen, që ishte bërë si refren në gojën e tij:

- Mëshirona o Zot ne mëkatarëve! Mëshirona o Zot ne mëkatarëve!

Një ditë, aty nga fundi i vjeshtëravc, në dhomën numër katër, ku ishte ish oficeri i sigurimit dhe pristi katolik sollën edhe një

gazetar. Ai ishte me flokë të qethur e sy të kaltër që i shkrepëtinin nga një zjarr i brendshëm. Gazetari sapo u fut në dhomë, filloi të hetojë: Ngriti kokën disa herë lart nga tavani, pa dyshemenë, muret dhe kontrolloi poshtë krevatëve. Pasi u hodhi nga një vështrim dy të sëmurëve i pyeti: A dëgjoni zhurma natën.lart ose anash nga muret, ose poshtë nga dyshemeja? Ata e panë të habitur, pastaj shikuani njëri tjetrin dhe mbeten të dy si të ngrirë pa folur. S'keni faj ju o të mjerë, e shoh si ju kanë katandisur. Të gjitha nga rrezet lazër i keni! Ata shikonin si të hutuar njëri tjetrin dhe nuk nxorrën asnjë fjalë nga goja. Atë natë na thirrën urgjentisht tek zyra e Sekretariatit të Partisë, të gjithë mjekët dhe infermieret e spitalit.

- Sot, ka ardhur një i sëmurë i ri. E kemi fjalën për atë që është vendosur në dhomën katër, e filloj bisedën sekretari i organizatës bazë të partisë së spitalit. Ai është një i burgosur politik dhe është element i rrezikshëm, prandaj e keni porosi nga partia që t'i bëni sytë katër. Këtu e kanë sjellë për ekzaminimin mjekësor. Secili që ka shërbimin, kur-të dorëzojë punë do të lerë edhe një relacion për të gjithë veprimet, lëvizjet dhe fjalët që ka thënë i sëmuri. Këto të dhëna i kërkon drejtoria e punëve të brendshme. Tani shkoni dhe mos harroni. Bëni sytë katër!

Aty nga mesnata gazetari u çua dhe u bërtiti shokëve të dhomës:

- Çohuni se na dogjën me rreze lazër! Ata u çuan të lalhtarisor. Oficeri i sigurimit bërtiti. - Jo nuk e kam vrarë unë! Jo, nuk e vrava unë!

Prifti katolik puqi duart, ngriti kokën lart dhe filloj të mërmëriste lutjen e tij:

- Mëshirona o Zot, ne mëkatarëve! Mëshirona o Zot ne

mëkatarëve!

- Poshtë krevatit! - i urdhëroi gazetari. Ata të tre u futën menjëherë poshtë krevateve.

- Mos nxirri zë fare! As frysë mos merrni - u tha gazetari. Në dhomë ra heshtja e vdekjes. Dëgjoheshin vetëm uluritjet e erërave nëpër dritare. Ne pësasi linim shërbimin shkuaranim edhe nga një raport për gazetarin ku pëershkuaranim çdo lëvizje të tij e çdo fjalë që ai nxirri nga goja. Këto vinte e i merrte operativi i sigurimit mbas çdo turni.

Megjithëse mjekët psikiatër të komisionit epror po ashtu edhe mjekët e spitalit psikiatrik të Elbasanit, ku gazetari ishte shtruar, kishin thënë, se është i sëmurë psiqik me diagozë të përcaktuar sipas epikrizave. Ata të sigurimit të shtetit dyshonin se gazetari nuk ishte i sëmurë psiqik, por luante pjesën, prandaj u formua një komision me një grup mjekësh, ku filluan përsëri analizat me të sëmurin. Nga këto ahaliza përsëri u rezultua se ai është i sëmurë psiqik me atë diagozë që kishte përcaktuar grupi i mjekëve eksperti dhe mjekët e spitalit të Elbasanit. Por, përsëri sigurimi i shtetit nuk e besonte këtë. Atëhere filloj të ushtrohej mbi të elektroshoku, por pa sukses. U thirr një mjek, oficer i lartë i ministrisë së punëve të brendëshme. Edhe ai konkludoi me diagozën tonë, por ata, të sigurimet nuk u bindën përsëri. Atëhere, eksperti i ministrisë ftoi mjekët, sigurimsat dhe bëri këtë provë për të vërtetuar se gazetari nuk stimulonte, por ishte i smurë psiqik ashtu siç e përcaktonin epikrizat e kryera.

- E zhveshi të sëmurin, mori një copë hekur, e nxehu derisa hekuri u skuq dhe ja vuri në kurrit. Undje era e mishit të përcëlluar, por ai nu korrë zë.

- Ja, u tha profesori, shikoni sytë e tij, nuk reflektojnë asnjë shenjë dhembje. Ai është i sëmurë psiqik dhe pikë.

- Jo ai stimulon, është artist, u hodh dhe tha një oficer sigurimi.

- Bjere krahun këtu - i tha oficerit që kundërshtoi profesori. Ja mori krahun, i përveshi këmishën, mori hekurin e nxehiqe dhe sa e preku pak, ai u hodh përpjetë duke ulëritur më të madhe.

- Shiko këtu tani - i tha dhe pastaj mori hekurin dhe ja ngjeshi fort në kurriz gazetarit. Asnjë shenjë.

- E sheh që është i sëmurë dhe nuk është stimulant siç mendoni ju?

Ai mbeti në spitalin tonë si i sëmurë psiqik. Çdo natë ai i çonte oficerin e sigurimit dhe priftin katolik duke u thënë: - Poshtë krevateve se na dogjën me rreze lazër. Oficeri bërtiste: - Jo, nuk e vrava unë, jo se kam vrarë unë! Kurse prifti katolik murmuriste me duart e kryqëzuara dhe kokën lart:

- Mëshirona o Zot ne mëkatarëve! Mëshirona o Zot ne mëkatarëve!

Ato vjeshta të atij viti s'më shqitën nga kujtesa. Edhe tani kur fryjnë erërat e jugut, më bëhet se dëgjoj:

- Çohuni se na dogjën më rreze lazër!

- Jo nuk e vrava unë! S'e kam vrarë unë!

- Mëshirona o Zot ne mëkatarëve! Mëshirona o Zot ne mëkatarëve! Dhe më parafytyrohen: fytyra si ikona e priftit katolik me dy pëllëmbët e puqura dhe gazetarin me sytë që ndizeshin zjarr.

Por, në një mëngjes të atyre vjeshtave u rrëqeth i gjithë spitali nga të bërtiturat e një infermiereje.

Ajo thërriste: - Hajdeni të shikoni çka ndodhur në dhomën numur katër! Hajdeni shpejt, hajdeni!...

Kur shkuam te dhoma numur katër, u llahtarisëm dhe ngelëm si të ngrirë. Oficeri i sigurimit ishte i varur. Koka e madhe dhe asimetrike i kishte marrë anën dhe gjuha i kishtë dalë përjashtua. O Zo, sa të gjatë e kishte gjuhën?! A mund ta këtë njeriu gjuhën aq të madhe?!

Prifti katolik rrinte këmbëkryq mbi krevatin e tij dhe me duart e puquramurmuriste lutjen e tij drejtuar Zotit!

- Mëshirona o Zot ne mëkatarëve! Mëshirona o Zot ne mëkatarëve!

Kurse gazetari kishte mbështetur kokën tek dora e tij dhe po lexonte. Kur hymë ne në dhomë ai e la librin, u çua dhe me gjakstohtësinë më të madhe na tha: - Mëri dënimin që meritonte. M'i tregoi mbrëmë törë natën krimet që kishte kryer dhe unë me urdhër të Zotit e dënova me varje për ta lehtësuar që të lante mëkatet. Pyeteni uratën se jua tregon të gjitha se si u krye proçesioni, me gjyq të rregullt. Dëshmitar kam Zotin dhe uratën. Por, pa mbaruar mirë fjalën gazetari, erdhën ata të sigurimit e i hodhën prangat gazetarit. Ai nuk foli, por sytë ndizeshin zjarr nga një vullkan i brendshëm. I hodhën prangat edhe priftit katolik!

- Mëshirona o Zot se nuk dijnë se ç'bëjnë! Mëshirona o Zot të gjithë ne mëkatarëve - murmuriti prifti katolik. I futën në një gaz. Pastaj nxorrën edhe kusomën e oficerit të sigurimit disa punonjës të komunales. Atë natë unë kisha shërbimin, pastruesja m'u lut të qëndroja tek dera e dhomës numër katër deri sa ajo ta pastronte se i rrëqetëheje trupi kur sutej brenda. Kur ajo shkoi të merrte kovën me ujë, mua më zuri syri një bllok të vogël me kapak të zi, të koka e krevatit ku flinte gazetari. E mora dhe me zemër të dridhur e tërë frikë e futa në xhepin e përparëses. Nga frika nuk e hapa fare atë

natë për të parë se ç'kishte. Të nesërmën e kisha pushim. U mbylla në dhomën time dhe nxora blokun për ta parë. Ai ishte një blok i vogël me kapak të zi.

E shfletova. Ishte shkruar me ca shkronja mikroskopike që mezi lexoheshin. Në atë blok ishtejeta e tij. E kishte shkruar gjatë kohës që kishte qenë në psikiatrinë e Elbasanit, por tani që kanë kaluar më se pesëmbëdhjetë vjet po ja jap lexonjësit që të njihet me jetën e një të dënuari politik.

Spitali Psikiatrik Elbasan.

Më kanë sjellë nga Burreli. Nga Burgu famëkeq i Burrelit. Çmendinë është një varrezë e madhe, me varre të hapura e me të vdekur të pakallur. Në varreza mbulohen kufomat e të vdekurve. Atje është qetësi e amshuar. Varrezat janë të pastërtë, me qiparize e dafina, me trëndafila, zambakë e jargavancë. Në kokën e çdo varri është një pllakë mermeri ku shkruhet emri dhe mbiemri i të vdekurit. Kurse, në çmendinë janë kusoma të gjalla me ndjesi të vdekura. Po unë a jam i sëmurë psiqik? Qelizat e trurit tim ndizen e fikën si drita e një fari të vendosur në një ishull të humbur të oqeanit Pacifik. Unë nga natyra jam tip romantiku dhe ëndërrimitari. Që kur isha i vogël çohesha herët për të parë se si çelnin trëndafilat e agimeve mbi malin e Dajtit, sodisja i mahnitur si ndizeshin në purpur perëndimet kur dielli humbiste përtej horizonteve. Mrekullohesha kur shikojanjë lëndinëz buzë lumit me lule shqerza, kur shihja një pikë vese mbi petalet e lule zambakut. Netëve, dilja e dëgjoja zërat e mistershëm të natës. Më bëhej sikur çdo gjethë peme, petale luleje, fije bari tingëllonin e nxirrinin ca melodi të magjishme e të pakapëshme. E gjithë magjia më dukej se derdhej nga hëna. Më dehte e më bënte njeriun më të lumtur në botë aroma